

Analisis Pengurusan dan Agihan Dana Zakat di Negeri Kelantan

Azninainie Binti Mohd Ghazi
Pusat Pengajian Ekonomi
Fakulti Ekonomi Dan Pengurusan
Universiti Kebangsaan Malaysia
Email: azninainie_ghazi@yahoo.com

Sanep Ahmad
Pusat Pengajian Ekonomi
Fakulti Ekonomi Dan Pengurusan
Universiti Kebangsaan Malaysia
Email: nep@ukm.my

Harirunnizam Wahid
Pusat Pengajian Ekonomi
Fakulti Ekonomi Dan Pengurusan
Universiti Kebangsaan Malaysia
Email: hairun@ukm.my

ABSTRAK

Kajian ini cuba menganalisis kaedah pengurusan dana zakat yang diuruskan oleh Majlis Agama Islam Dan Adat Istiadat Melayu Kelantan (MAIK) di Negeri Kelantan, khususnya berkenaan dengan pengagihan dana zakat kepada masyarakat setempat. Kajian ini telah menggunakan data kutipan dan agihan bagi seluruh Negeri Kelantan dan telah dianalisis dengan menggunakan kaedah deskriptif untuk menggambarkan hasil kajian secara lebih jelas. Hasil kajian telah mendapati trend pengagihan dana zakat masih kekal seperti yang telah diamalkan oleh kerajaan negeri pada sebelumnya. Tujuan kaedah pengagihan itu dikenakan adalah untuk memberi bantuan secara menyeluruh untuk jangkamasa panjang. Beberapa pandangan dan cadangan telah dikemukakan bagi membentuk pembangunan ekonomi yang baik bagi menjamin kemajuan dan kemakmuran sesebuah negara Islam.

Katakunci: Agihan Zakat, Pembangunan Ekonomi

ABSTRACT

This study attempts to analyze the management of Zakat funds managed by the Islamic Religious Council and Malay Custom, Kelantan (MAIK) in the State, particularly in respect of the allocation of funds to local community charity. This study utilizes data collection and distribution throughout the State of Kelantan and was analyzed using descriptive to describe the results more clearly. The study has found that Zakat fund distribution trends still remain as adopted by the previous state government. The purpose of the method of distribution is maintained to provide comprehensive assistance to long-term. Some views and proposals were introduced to form a good economic development to ensure the progress and prosperity of an Islamic state.

Keywords: Zakat Distribution, Economy Development

PENGENALAN

Selepas mencapai kemerdekaan pada 31 Ogos 1957, setiap negeri di Tanah Melayu mula melaksanakan pentadbiran zakat secara persendirian di bawah majlis agama Islam negeri masing-masing. Walaubagaimana pun pada masa ini urusan dan pentadbiran zakat secara umumnya di setiap negeri tidak menunjukkan prestasi yang terlalu membanggakan tetapi masih boleh ditingkatkan prestasi untuk menjadi lebih baik. Hasil kutipan dana zakat begitu rendah disebabkan promosi dakwah zakat yang tiada dan kaedah pengutipan yang dilakukan secara tradisional. Manakala kaedah agihan zakat pula tidak secara menyeluruh pada ketika ini.

Persidangan Kebangsaan Ekonomi Malaysia ke VIII (PERKEM VIII)
“Dasar Awam Dalam Era Transformasi Ekonomi: Cabaran dan Halatuju”
Johor Bahru, 7 – 9 Jun 2013

Majlis Agama Islam Negeri dan Majlis Agama Islam Wilayah Persekutuan mengawalselia perjalanan pengurusan institusi zakat di setiap negeri. Pengurusan adalah diselaraskan dibawah peruntukan undang-undang dibawah perlombagaan Malaysia di dalam Jadual Kesembilan senarai II Senarai Negeri, yang menyatakan secara jelas perkara berkaitan hal ehwal Islam terletak dalam bidang kuasa negeri iaitu pada kuasa para sultan. Apabila Persekutuan Tanah Melayu telah mencapai kemerdekaan pada tahun 1957, British telah meletakkan asas soal pentadbiran agama Islam dan adat istiadat melayu akan terus diletakkan di bawah kekuasaan para sultan. Sehinggakini, pentadbiran zakat tetap berada di bawah bidang kuasa Majlis Agama Islam Negeri.

Tugas kerajaan pusat adalah mewujudkan sekretariat yang menjadi penyelaras kepada pentadbiran zakat negeri-negeri dengan menubuhkan Jabatan Wakaf, Zakat dan Haji di bawah Jabatan Perdana Menteri pada 24 Mac 2004. Setiap negeri termasuk wilayah Persekutuan Kuala Lumpur, Wilayah Persekutuan Labuan dan Wilayah Persekutuan Putrajaya telah mengambil pendekatan yang pelbagai bagi tujuan memajukan institusi zakat di negeri masing-masing. Pendekatan dan kaedah yang berbeza di setiap negeri telah dibuat dan dilaksanakan bersesuaian dengan keadaan semasa masyarakat setempat dan halatuju serta perkembangan ekonomi di negeri masing-masing.

PERSOALAN KAJIAN

Pencapaian yang dilakukan oleh pusat atau institusi pengurusan zakat bergantung kepada keupayaan dan pengurusan pusat zakat yang diuruskan di setiap negeri. Menurut laporan zakat pada tahun 2001, jumlah kutipan zakat secara keseluruhan bagi negeri-negeri di Malaysia telah mengalami peningkatan sebanyak beberapa peratus. Pencapaian kutipan zakat negeri dapat membuktikan sama ada institusi telah berjaya meningkatkan keberkesanannya melalui pengurusan yang baik dan bersistematis atau bentuk agihan yang lebih baik dan tersusun. Bagi negeri Kelantan, pencapaian yang dilakukan adalah baik dan kajian yang dijalankan adalah untuk memastikan sama ada pencapaian kutipan zakat dan keberkesanannya peranannya terhadap lapan golongan asnaf berlaku disebabkan oleh pengurusan institusi yang meningkat semakin baik atau bentuk pengagihan yang dapat memenuhi kehendak setiap masyarakat.

Institusi pengurusan zakat adalah sangat penting dalam usaha memainkan peranan sebagai institusi kewangan islam. Sistem pengurusan yang baik dan cekap akan menjadikan institusi zakat sebagai institusi kewangan yang dipercayai dan dikagumi oleh setiap masyarakat. Di negeri Kelantan, Majlis Agama Islam dan Adat Istiadat Melayu Kelantan (MAIK) telah ditubuhkan pada 24 Disember 1915. Segala hal ehwal yang berkaitan dengan pengurusan zakat telah ditetapkan di bahagian Baitulmal. Hal ini bertujuan agar pengurusan zakat dapat diurus dan dilaksanakan dengan baik tanpa dicampuri oleh uruan-urusan lain dibawah penyeliaan MAIK. Segala urusan atau pengurusan di bahagian Baitulmal akan dirujuk ke pengurusan atasannya dan dibincangkan di Dewan Majlis dan kemudian keputusan akan dibuat oleh sultan yang memerintah. Oleh itu, pemilihan dan pentadbiran yang cekap dan amanah amat diperlukan untuk memastikan institusi pengurusan memainkan peranan yang sewajarnya. Manakala, sistem pengagihan dana zakat di negeri Kelantan masih mematuhi peraturan dan peranan yang telah ditetapkan dalam al-Quran dan hadis. Pengagihan dana zakat masih menumpukan kepada golongan lapan (8) asnaf yang disyariatkan oleh islam. Golongan yang layak menerima zakat adalah seperti fakir, miskin, wakil amil, maulaf, riqab, al-gharimin, fisabilillah dan ibnus sabil. Dana zakat dikutip dan diagihkan kepada golongan asnaf ini, manakala trend agihan yang dijalankan di Kelantan lebih menitik beratkan golongan fakir dan miskin. Ini kerana golongan fakir dan miskin masih senang untuk dikenal pasti dan masih ramai terdapat di negeri yang dikaji. Namun begitu, sejak akhir-akhir ini trend agihan telah mengalami beberapa perubahan, penumpuan agihan zakat tidak lagi kepada golongan fakir dan miskin sahaja. Agihan dana zakat telah menumpukan kepada amil dan fisabilillah oleh kerana terdapat perubahan trend pengagihan dana zakat. Kajian dijalankan untuk mengenalpasti trend sebenar pengagihan dana zakat yang dikatakan rata-rata negeri telah mula membuat perubahan untuk mendapatkan kesan dan hasil yang lebih baik untuk jangkamasa yang panjang kepada pembangunan sesebuah negara.

KAJIAN LEPAS

Terdapat banyak kajian mengenai zakat berkenaan dengan aspek kutipan zakat iaitu bagaimana hasil kutipan zakat dapat ditingkatkan dan kaedah yang berkesan untuk pengagihan zakat. Tetapi banyak kajian yang dibuat memberi keutamaan terhadap golongan asnaf fakir dan miskin. Mohd Parid (2001), telah membincangkan pelbagai kaedah pengagihan zakat menurut perspektif islam. Menurut Mohd Parid, pengagihan zakat perlu mencapai tahap kecukupan dan keselesaan kehidupan golongan penerima zakat dan tanggungan. Agihan zakat perlu mencapai kadar yang tertentu untuk menjamin taraf

kehidupan yang berterusan dan kesan agihan zakat kepada asnaf perlu mencapai satu piawaian kualiti hidup.

Noor Ghani et. al (2002) telah membuat kajian tentang pengagihan zakat sebagai sumber pendapatan dan aset. Kajian ini yang telah dilakukan di kalangan asnaf di negeri Selangor dan Wilayah Persekutuan Kuala Lumpur. Para pengkaji berpendapat dana zakat yang terhad harus diagihkan secara optimal bagi memaksimumkan manfaatnya kepada asnaf fakir dan miskin. Menerusi kajian tersebut mereka telah mengenalpasti faktor-faktor kejayaan yang telah diperolehi melalui pembiayaan dana zakat. Pengagihan yang sistematis dan berkesan dapat menjana ekonomi umat islam seterusnya membantu pembangunan negara.

Seterusnya, kajian yang dilakukan oleh Faudah Johari (2004) mendapati bahawa agihan zakat yang dibuat oleh Majlis Agama Islam Melaka (MAIM) telah dapat mengurangkan kadar kemiskinan di Melaka. Dalam kajian yang dibuat dapat dilihat terdapat hubungan yang positif antara pungutan zakat dengan agihan dana zakat kepada golongan asnaf. Jumlah agihan zakat kepada golongan asnaf dapat ditingkatkan sekiranya jumlah pungutan hasil zakat dapat ditingkatkan. Menerusi agihan zakat juga, kerajaan negeri telah berjaya mengurangkan sepuluh peratus (10%) kemiskinan di negeri terbabit dan kajian juga mendapati agihan zakat dapat mengurangkan perbezaan ketidakseimbangan agihan pendapatan dengan bentuk keluk Lorenz yang tidak hampir kepada garis keseimbangan.

Menerusi kajian Patmawati Ibrahim (2006) yang telah mengkaji kesan agihan zakat terhadap agihan pendapatan di kalangan asnaf fakir dan miskin di Selangor. Hasil kajian telah mendapati bahawa agihan zakat telah berjaya mengurangkan ketidakseimbangan agihan pendapatan. Beliau telah mencadangkan supaya kaedah agihan zakat diperbaiki dengan menggunakan had kifayah sebagai pendapatan garis kemiskinan serta mengambil kira lokasi penerima dan kedudukan kewangan penerima agihan zakat. Jumlah bantuan yang diberikan mestilah menyamai atau lebih dari jurang kemiskinan berdasarkan had kifayah.

Segala kajian empirikal yang telah dijalankan membuktikan bahawa sistem pengurusan yang cekap dan sistematis oleh institusi kewangan yang dilantik dapat meningkatkan hasil kutipan zakat. Disebabkan oleh peningkatan kutipan zakat, pengagihan dana zakat dapat diberikan secara menyeluruh dan optimal kepada golongan asnaf yang memerlukan dan tidak hanya menumpukan kepada golongan fakir dan miskin sahaja.

METODOLOGI

Kajian ini telah menggunakan beberapa kaedah untuk menunjukkan bahawa hasil yang diperolehi kelak boleh menunjukkan trend yang digunakan oleh MAIK untuk negeri Kelantan. Kaedah yang digunakan untuk menganalisis ialah kaedah yang analisis deskriptif dengan menunjukkan hasil-hasil yang diperolehi dalam bentuk carta bar dan carta pai. Analisis ini telah dilakukan dan hasil yang diperolehi telah dibincangkan secara terperinci dalam bab hasil kajian yang diperolehi.

DAPATAN KAJIAN

Setelah membuat penilaian dan menjalankan kajian dengan menggunakan metodologi yang telah dipilih. Beberapa hasil mengenai zakat telah dilihat dengan jelas di negeri Kelantan ini. Hasil yang diperolehi dibincangkan secara terperinci dan hasil yang diperolehi terbahagi kepada dua (2) iaitu berlakunya peningkatan dalam jumlah kutipan zakat dan trend agihan zakat di negeri yang dikaji dalam laporan ini. Keputusan kajian yang dilakukan telah mendapati jumlah kutipan zakat mengikut jenis zakat dari tahun 2003 sehingga 16 Oktober 2012 yang dibuat oleh MAIK mengalami peningkatan yang amat ketara. Berdasarkan jadual 4 di bawah, sebelas (11) jenis zakat yang ditetapkan oleh kerajaan negeri Kelantan telah menyumbang kepada peningkatan kutipan zakat. Pada setiap tahun jenis zakat pendapatan menyumbang paling banyak, ini kerana kebanyakkan rakyat negeri Kelantan mempunyai kesedaran yang tinggi dalam tanggungjawab melunaskan zakat pendapatan pada setiap tahun yang bernisbah 2.5% dari setiap pendapatan. Manakala jenis zakat yang paling kurang kutipan ialah jenis zakat ternakan. Zakat ternakan hanya diperkenalkan pada tahun 2008 dan kutipan zakat ternakan tidak terlalu besar berbanding jenis zakat yang lain. Hal ini juga kerana kesedaran membayar zakat ternakan belum meluas dan kebanyakkan masyarakat di Kelantan mengamalkan ternakan secara kecil-kecilan bukan secara industri atau besar-besaran. Secara keseluruhan, zakat berjaya dikutip oleh MAIK mengalami peningkatan. Sebelas (11) jenis zakat yang dikenakan memberi jumlah sumbangan yang besar kepada ekonomi negeri Kelantan. Daripada jumlah kutipan zakat pada tahun 2003 adalah sebanyak RM 18,465,929,13 terus meningkat kepada RM 81,563,629,13 pada tahun 2012. Keadaan ini,

membuatkan MAIK dapat membuat pengagihan yang lebih efisien dan mampu membasmi kemiskinan masyarakat di Kelantan. Objektif dan sasaran utama kajian dilakukan adalah untuk melihat trend agihan dana zakat di negeri Kelantan. Dari metodologi kajian yang dijalankan dan dari data sekunder yang diperolehi, jelas menunjukkan bahawa trend agihan zakat lebih menumpukan kepada asnaf fakir dan miskin. Jadual 4.2 menunjukkan secara jelas jumlah dana zakat yang telah diagihkan kepada asnaf-asnaf di negeri Kelantan melalui rekod data yang diterima agihan zakat kepada setiap asnaf adalah meningkat, tetapi asnaf fakir dan miskin mencatat rekod menerima agihan dana zakat yang paling tinggi. Peningkatan dalam agihan dana kepada asnaf fakir dan miskin merupakan tonggak yang penting kepada Majlis Agama Islam dan adat istiadat melayu Kelantan (MAIK), ini kerana dengan membantu masyarakat fakir dan miskin, MAIK dilihat dapat membasmi kemiskinan di Kelantan. Jelas menunjukkan trend agihan dana zakat di kelantan lebih memberatkan kepada asnaf fakir dan miskin. Dari data yang diperolehi jumlah agihan zakat kepada asnaf ini pada tahun 2003 ialah sebanyak RM 6,694,079 dan terus meningkat kepada RM 50,109,137 pada tempoh bertarikh 16 Oktober 2012. Manakala asnaf yang menerima agihan zakat yang paling kurang antara asnaf-asnaf yang lain pada setiap tahun ialah asnaf ibnu sabil. Pada tahun 2003 asnaf ibnu sabil menerima agihan zakat sebanyak RM 4,510 dan sehingga tahun 2012 hanya mencatat agihan sebanyak RM 11,379. Seterusnya jadual 4.3 di bawah mengukuhkan lagi hasil kajian yang menyatakan bahawa terhad agihan zakat di Kelantan ialah menumpukan kepada asnaf fakir dan miskin. Ini kerana, jadual 4.3 telah menunjukkan jumlah perbelanjaan wang zakat mengikut program-program dari tahun 2003 sehingga 16 Oktober 2012. Dari sembilan belas (19) program yang telah direncanakan oleh MAIK untuk setiap tahun, sembilan (9) dari program itu adalah untuk asnaf fakir dan miskin manakala program lain adalah adalah terbahagi kepada asnaf lain. Program-program yang dijalankan untuk asnaf fakir dan miskin adalah melebihi 50 peratus (%) dari jumlah zakat yang diagihkan kepada asnaf, program yang dijalankan merangkumi segenap lapisan masyarakat yang tergolong dalam sanaf fakir dan miskin. Tujuan program ini dilaksanakan untuk membuka peluang kepada asnaf fakir dan miskin mengubah corak kehidupan dan kedudukan ekonomi keluarga. MAIK sentiasa memantau perjalanan program dan taraf kehidupan asnaf yang menerima bantuan, dengan harapan peluang yang diberikan dapat digunakan secara berhemah dan berhasil mengurangkan kadar kemiskinan di negeri Kelantan. Manakala MAIK tidak melepas pandang kepada asnaf-asnaf yang lain, kerana telah menjadi tanggungjawab pihak MAIK untuk menguruskan agihan dana zakat mengikut keperluan golongan yang memerlukan bantuan.

RUMUSAN KAJIAN

Daripada hasil kajian yang dijalankan dapat dirumuskan bahawa negeri Kelantan telah dapat meningkatkan hasil pungutan dana zakat pada setiap tahun. Peningkatan sebanyak 60% ke 80% untuk semua jenis zakat di Kelantan berdasarkan data yang diterima bermula pada tahun 2003 sehingga pada 16 Oktober 2012 yang diperolehi daripada Majlis Agama Islam dan adat istiadat melayu Kelantan (MAIK). Kajian dilakukan untuk mengenal pasti trend agihan zakat di negeri kajian ini dilihat dari jadual laporan agihan zakat kepada asnaf yang telah disertakan dalam bab yang sebelumnya. Hasil keputusan dari jadual yang dikaji, trend agihan zakat lebih cenderung memberi bantuan kepada golongan asnaf fakir dan miskin. Jelas ditunjukkan dari laporan agihan kepada asnaf pada tahun 2003, jumlah agihan zakat kepada asnaf fakir dan miskin adalah sebanyak RM 6,694,079 dan sehingga pada 16 Oktober 2012 jumlah agihan untuk asnaf fakir dan miskin meningkat kepada RM 50,109,137 peningkatan adalah sebanyak 100%, dengan ini telah jelas membuktikan bahawa kerajaan negeri Kelantan telah berusaha untuk membasmi kemiskinan melalui pendekatan zakat dengan mengagihkan dana yang lebih banyak kepada aktiviti yang bertujuan membantu golongan fakir dan miskin dalam masyarakat. Asnaf fakir dan miskin merupakan golongan asnaf yang lebih banyak menerima zakat dari hasil kajian yang diperolehi. Ini kerana program-program yang dijalankan untuk membantu golongan fakir dan miskin berhasil mengurangkan kemiskinan masyarakat, membentuk ekonomi muslim dan penghijrahan kehidupan masyarakat muslim. Contohnya, bantuan modal perniagaan dan bantuan modal pertanian kepada masyarakat fakir dan miskin dapat membuka peluang kepada masyarakat ini untuk membina kehidupan yang lebih baik. Melalui bantuan yang dihulurkan, masyarakat dapat bekerja dan mendapat pulangan melalui pendapatan. Seterusnya, masyarakat ini dapat berbelanja dengan hasil pendapatan tanpa meminta daripada orang lain, sekali gus kerajaan dapat meningkatkan pendapatan untuk negeri. Walaubagaimanapun, golongan asnaf yang lain turut mengalami peningkatan dalam pengagihan dana zakat. Tetapi corak perubahan dalam pengagihan dana zakat untuk golongan asnaf lain ini sentiasa berubah-ubah turun dan naik serta ada yang mengalami peningkatan yang hanya sedikit pada setiap tahun. Agihan pada asnaf amil turut mengalami peningkatan pada setiap tahun tetapi peningkatan penerimaan agihan adalah sedikit berbanding asnaf fakir dan miskin. Dari rekod yang

diperolehi pada tahun 2003 agihan kepada asnaf amil meningkat dari RM 1,330,136 kepada RM 10,928,820 pada tahun 2011. Seterusnya, agihan kepada asnaf muaalaf mengalami peningkatan pada setiap tahun pada tahun 2003 menerima agihan sebanyak RM 471,071 dan terus meningkat kepada RM 1,077,637. Manakala untuk asnaf riqab dan gharimin, jumlah agihan zakat mengalami penurunan daripada RM 18,830 pada tahun 2003 turun kepada RM 17,300 pada tahun 2012. Asnaf ibnu sabil mengalami perubahan yang tidak konsisten iaitu mengalami peningkatan dan penurunan sepanjang tempoh rekod data, pada tahun 2003 menerima agihan sebanyak RM 4,510 dan mengalami penurunan pada tahun 2007 kepada RM 1,550 dan kembali meningkat kepada RM 30,590. Asnaf yang terakhir dibincangkan ialah asnaf fisabilillah yang mengalami peningkatan sepanjang tahun rekod data yang diambil sehingga mencapai RM 12,612,721 pada rekod 16 Oktober 2012. Secara keseluruhannya, rumusan yang dapat disimpulkan bahawa MAIK telah dapat meningkatkan jumlah pungutan zakat di negeri Kelantan. Manakala trend agihan zakat yang digunakan oleh MAIK ialah lebih menumpukan kepada asnaf fakir dan miskin. Hal ini kerana, dengan memberi zakat kepada asnaf fakir dan miskin dapat memberi bantuan secara menyeluruh kepada masyarakat. Jelas dapat dibuktikan pada setiap tahun MAIK telah meningkatkan agihan kepada asnaf fakir dan miskin dengan membelanjakan lebih 70% dari jumlah agihan zakat kepada program-program yang melibatkan asnaf ini. MAIK telah berusaha mengurangkan kemiskinan di negeri Kelantan dengan memberi bantuan secara penuh kepada asnaf fakir dan miskin tetapi tidak pula mengabaikan golongan asnaf yang lain.

KESIMPULAN

Ibadah zakat perlu ditunaikan dengan betul iaitu dengan memenuhi kehendak syarak supaya benar-benar menjadi ibadah yang diterima di sisi Allah. Apabila ibadah zakat dilaksanakan dengan betul, zakat berupaya meninggalkan kesan kepada pemberi zakat dan penerima zakat. Pertama, kesan kepada aspek rohani iaitu disuburkan keimanannya serta ketakwaannya dan yang kedua, disuburkan hartanya oleh Allah. Pengurusan zakat secara komprehensif menjadi tunjang bicara dunia-dunia Islam yang baru. Ini kerana zakat telah dilihat sebagai item yang boleh menyumbang kepada sumber pendapatan negara. Zakat juga bermatlamat untuk membasmi kemiskinan di setiap negeri di seluruh negara. Tetapi hanya kutipan dan agihan yang sistematik dapat merealisasikan matlamat utama amalan ibadah zakat. Trend agihan yang digunakan oleh negeri-negeri dapat mencorak pengurusan institusi zakat masing-masing. Majlis Agama Islam dan adat istiadat Melayu Kelantan (MAIK), mengamalkan trend agihan yang menjurus kepada membantu asnaf fakir dan miskin, kerana beranggapan golongan fakir dan miskin perlu diberi peluang mengubah keadaan kehidupan dan kedudukan ekonomi dengan memberi bantuan seumpama zakat. Tetapi MAIK tidak mengabaikan golongan asnaf yang lain. Banyak program-program yang telah dilakukan oleh MAIK untuk membantu golongan fakir dan miskin dan juga asnaf yang lain.

RUJUKAN

- Abd. Halim Mohd. Noor, et.al. 2009. *Pengintergrasi Zakat dan Cukai di Malaysia*. Shah Alam: Pusat Penerbitan Universiti (UPENA-UiTM).
- Farida Prihatini, et.al. 2005. *Hukum Islam: Zakat dan Wakaf*. Depok: Penerbit Papes Sinar dan Fakultas Hukum Universitas Indonesia.
- Farishta G. De Zayas. 2008. *The Law and Intuition of Zakat*. Kuala Lumpur: The Other Press,
- Hailani Muji Tahir. 2007. *Institusi Baitulmal dalam Pembangunan Negara*. Bangi: Penerbit UKM,
- Hairunnizam Wahid, et.al. *Kesedaran Membayar Zakat Pendapatan di Malaysia*. Pusat Pengajian Ekonomi Universiti Kebangsaan Malaysia: Kertas Kerja Kumpulan Kajian Ekonomi & Kewangan Islam.
- Hamizul Abdul Hamid. 2012. *eksklusif Zakat*. Petaling Jaya: Galeri Ilmu.
- Hamizul Abdul Hamid. 2011. *Zakat Terapi Kekayaan*. Shah Alam: Karya Bestari,
- Mohamad Anwar. 1997. Islamic Economic Methodology. In. *Essays in Islamic Economic Analysis* edited by F.R. Faridi, Kuala Lumpur: S: Abdul Majeed& Co.
- MohamadUdaKasim. 2005. *Zakat: Teori, KutipandanAgihan*. Kuala Lumpur : Utusan Publications and Distributors.
- Mujaini Tarimin. 2005. *Zakat Menuju Pengurusan Profesional*. Kuala Lumpur: Utusan Publications and Distributors.

Yusuf al-Qaradhawi (Dr.). 2009. *Institusi Zakat – Peranan dan Tanggungjawab*. Shah Alam: Majlis Agama Islam Selangor,

**JADUAL 4.1 : Jumlah Zakat Yang Berjaya Dipungut Oleh MAIK Mengikut Tahun Dan Jenis Zakat Bagi Tahun 2003 – 16 Oktober 2012
(RM)**


TAHUN	PADI	FITRAH	WANG SIMPANAN	PENDAPAT AN	SAHAM	PERNIAGAA N	EMAS PERAK	HARTA	QADHA	PERTANI AN	TERNA KAN	JUMLAH
2003	345,000,81	4,262,206,30	1,600,967,98	4,692,282,55	526,620	376,628,05	1,103,200	3,690,998,31	91,894,48	-	-	18,465,929,13
2004	439,783,03	4,240,888,20	1,880,607,18	7,045,266,31	771,420	414,645,65	22,878,50	4,555,918,86	46,991,50	2,380,00	-	22,388,844,30
2005	449,884,79	4,731,061,00	2,198,927,02	9,430,489,37	677,840	764,074,52	15,108,90	4,854,499,31	39,594,00	2,100,00	-	29,396,187,97
2006	451,350.30	4,914,221,40	2,391,091,97	11,462,862,00	833,030	1,106,507,58	31,419,99	5,172,633,81	37,467,05	10,068,94	-	35,541,858,00
2007	426,547,50	5,019,735,20	3,041,139,69	14,601,868,70	1,579,630	1,060,507,58	40,854,00	6,832,323,44	47,608,48	30,000	-	40,631,246,12
2008	480,891,45	8,015,772,13	3,597,101,72	21,088,613,54	1,381,450	1,812,509,98	52,644,99	6,108,390,11	75,039,88	37,700	435,000	58,162,095,10
2009	660,201,71	7,373,706,20	4,526,663,09	30,055,695,53	1,357,040	1,687,933,07	183,505,60	6,753,315,03	50,212,75	90,060	50,000	66,521,905,09
2010	581,438,83	7,592,423,81	5,040,097,28	34,783,967,44	1,934,400	1,468,648,22	127,582,30	7,447,530,38	90,612,54	40,000	345,000	70,373,328,79
2011	593,059,30	7,728,948,30	5,927,139,79	49,336,159,91	1,950,200	2,189,059,48	234,716,56	8,253,119,25	97,585,94	65,000	200,000	94,083,475,87
16 OKT 2012	452,939,70	7,847,786,48	5,595,914,14	44,350,283,09	2,864,500	16,010,310,84	272,391,89	6,983,883,16	46,475,65	-	200,000	81,563,629,93

(Sumber: Laporan Tahunan Majlis Agama Islam Dan Adat Istiadat Melayu Kelantan)

JADUAL 4.2 : Laporan Agihan Kepada Asnaf Bagi Tahun 2013 – 16 Oktober 2012
Jumlah Hasil Dan Agihan Zakat Oleh MAIK

JENIS ASNAF/ TAHUN	2003	2004	2005	2006	2007	2008	2009	2010	2011	2012
FAKIR & MISKIN	6,694,079	8,521,380	11,780,378	12,437,405	14,341,036	20,538,268	36,279,582	43,746,369	54,989,660	50,109,137
AMIL	1,330,136	1,320,926	2,490,515	2,993,787	3,556,715	2,703,890	9,267,562	10,463,020	10,928,820	6,687,496
MUALAF	471,071	365,843	527,762	522,423	789,350	789,852	876,612	900,159	939,417	1,077,637
RIQAB & GHARIMIN	18,830	20,683	19,718	19,950	8,900	12,400	18,300	8,300	8,800	17,300
IBNU SABIL	4,510	5,320	5,930	8,760	1,550	3,470	16,860	3,850	30,590	11,379
FISABILILLAH	6,790,072	6,836,940	6,492,147	6,037,752	5,920,383	6,765,120	12,367,595	9,684,878	13,149,370	12,612,721
JUMLAH	15,308,698	17,071,092	21,316,450	22,020,070	24,547,934	30,813,000	58,826,511	64,806,576	80,046,657	70,515,670

(Sumber: LaporanTahunanMajlis Agama Islam Dan AdatIstiadatMelayu Kelantan)



CARTA 4.3: Jumlah Agihan Kepada Asnaf Fakir Dan Miskin Bagi Tahun 2003 Sehingga 2012

JADUAL 4.3: Jumlah Perbelanjaan Bantuan Wang Zakat Mengikut Program Tahun 2003 - 2012

PROGRAM/TAHUN	2003	2004	2005	2006	2007	2008	2009	2010	2011	2012
BANTUAN BULANAN FAKIR MISKIN	3,424,290	4,445,290	6,483,300	6,778,700	6,961,610	10,222,070	12,470,510	12,631,140	17,849,870	18,962,285
BANTUAN PEMULIHAN PERNIAGAAN	172,100	189,300	161,850	111,100	150,000	233,000	312,758	310,600	557,182	261,600
PROGRAM KEMAHIRAN HIDUP	196,645	219,042	202,960	236,179	207,510	240,404	245,956	183,391	210,844	211,151
BANTUAN KECEMASAN	267,740	212,927	234,360	217,475	279,551	621,204	915,583	2,327,197	3,085,624	2,351,114
BANTUAN RAWATAN PERUBATAN	149,970	174,910	180,717	192,413	229,310	317,085	741,762	812,226	857,194	854,718
BANTUAN PERSEKOLAHAN	786,050	969,680	894,750	955,900	920,350	784,780	1,806,650	2,041,600	3,007,200	2,766,800
BANTUAN KE IPT	868,500	653,000	684,500	667,500	1,334,800	2,613,300	14,385,500	15,601,500	18,692,600	17,062,670
BIASISWA KECIL PELAJAR YIK	450,000	499,920	499,920	499,920	499,980	499,980	497,040	504,900	697,320	987,960
BANTUAN SEKOLAH PONDOK	38,300	21,900	31,700	28,600	31,900	33,700	61,200	33,700	53,400	16,100
BANTUAN HARI RAYA	11,000	179,100	555,485	220,475	378,590	443,750	492,330	666,960	319,550	698,800
BANTUAN PEMULIHAN RUMAH KEDIAMAN	435,900	449,748	299,900	294,100	300,000	508,550	496,700	1,073,500	1,003,156	704,000
RUMAH KEDIAMAN (PROJEK KHAS)	0	465,558	1,347,310	1,930,459	2,756,000	3,000,000	1,046,000	3,625,000	3,427,623	38,044
BIASISWA TENGKU ANIS	0	123,410	394,120	450,650	508,500	367,070	760,260	1,178,490	1,050,880	760,670

RAWATAN PERUBATAN (PROJEK KHAS)	0	99,874	70,000	50,000	0	33,250	97,240	3,600	36,700	48,150
BANTUAN KEPADA GHARIMIN	18,830	20,683	19,718	19,950	8,900	12,400	19,900	8,300	8,800	17,300
BANTUAN KEPADA IBNU SABIL	4,510	5,320	5,930	8,760	1,550	3,470	16,860	3,850	30,590	12,379
BANTUAN KEPADA BADAN/PERTUBUHAN	53,900	68,840	61,570	63,600	28,050	157,850	105,232	209,620	202,505	199,940
PYPT (PROGRAM KHAS)	1,000,000	353,000	376,000	417,000	284,000	605,000	1,164,500	1,691,000	1,408,200	1,612,700
LAIN-LAIN BANTUAN FISABILLAH	422,000	837,647	699,772	506,792	499,987	1,318,260	6,223,451	1,117,460	3,404,666	1,744,682
JUMLAH	8,398,985	10,989,150	13,222,902	13,649,573	15,380,888	22,051,123	41,859,432	44,024,034	55,903,899	49,311,063

(Sumber: Laporan Tahunan Majlis Agama Islam Dan Adat Istiadat Melayu Kelantan